

# IFA USUN OM KOPWE ANGEI ECHO TAROPWEEN ALLUKUN TUMWUN

Ei kait mi tongeni alisuk nge esap kapasen alluk mi tichik ngeni om case. Ika kopwe pwisin tupunuk, ita ururun kopwe pwal eani kokkot me napanap meininsin a alluku ngeni emon soualluk.

## PWOROUS

- ◆ Echo Allukun Tumwun tamman epwe much are nomofoch mi tongeni weneiti ngeni emon mwan, fefin are nau mi mwaren engol ieran.
- ◆ Echo Allukun Tumwun a kapachalong Kapwung meinisin mi pinei ewe Chon Tipis seni an fos are text ngeni, aweiresi, efeiengawa, eniua, afaani, kirikiringaw ngeni, amosoku, atapa, tattapwei, efeiengawa lon pekin lisowu are ameteki Ewe mi nom fan Tumwun, are seni an tolong lon are nonnom lon och leeni, are seni an kkan ngeni Ewe mi nom fan Tumwun are och leeni, are angei seni, amwet, aopa, efeiengawa, peutaalo, are amosoku feiengaw ngeni noun Ewe mi nom fan Tumwun we man, pwal ekkoch minen tumwun pwe Ewe mi nom fan Tumwun esap kuna feiengaw ngeni manawan are pochokkulen inisan.
- ◆ A fich ewe leenien kapwung ika a nom lon ewe county ia ewe fofforingaw a fiffis, emon mi fiti ewe case a nonnom are angang ie.
- ◆ Kopwe atoura echo “district court domestic relations case” (case mi weneiti ngeni ririin famili), an kopwe angei echo taropween allukun wisen sam are in le tumwunu nau mi kis seni 18 ieran.
- ◆ Fanniten pwal ekkoch pworous, alleani Colorado Revised Statute §13-14-104.5, §13-14-105, §13-14-105.5, me §13-14-106.
- ◆ Ika ka need allilis le tolong lon ewe leenien kapwung pokiten mi wor apwangapwangen are terin inisum, fos ngeni emon ADA Coordinator woon: [www.courts.state.co.us/ADA/Coordinator](http://www.courts.state.co.us/ADA/Coordinator)

## EKKOCH KAPAS

- |   |   |
|---|---|
| <input checked="" type="checkbox"/> Chon Tingor:              | Ewe emon are leenien bisnes epwe atoura echo Taropween Etipisi/Mwokut mi u ngeni emon.  |
| <input checked="" type="checkbox"/> Chon Polueni:             | Ewe emon echo Taropween Etipisi/Mwokut mi weneiti ngeni.  |
| <input checked="" type="checkbox"/> Etipisi/Mwokut:           | Ewe taropween alluk mi poputaani ewe angangen kapwung le efisi echo Taropween Alukun Tumwun.  |
| <input checked="" type="checkbox"/> Akkachofesa lon Famili:   | Foffor, sotun le fori, are kapasen amosok pwe fofforun akkachofesa, tattapwei, afaani, are aumwesi ngeni emon epwe fis, iwe ena chon feiengaw a riri ngeni are nomfengen ren ewe chon tipis iei are lon fansoun loom. |
| <input checked="" type="checkbox"/> Ewe mi nom fan Tumwun:    | Emon, ekkoch aramas, are leenien bisnes mi feioch seni ewe Allukun Tumwun.  |
| <input checked="" type="checkbox"/> Chon Pinepin:             | Ewe mi alluku ngeni pwe esap tongeni fos ngeni are kkan ngeni pwal emon are och leenien bisnes.   |
| <input checked="" type="checkbox"/> “May” lon fosun Merika:   | Lon pekin alluk, “may” a wewe ngeni “mochen” are “tongeni.”   |
| <input checked="" type="checkbox"/> “Shall” lon fosun Merika: | Lon pekin alluk, “shall” a wewe ngeni “alluku ngeni” are “ururun.”  |

Ika kese weweiti ei pworous, kose mochen kopwe fos ngeni emon soualluk.

## MOON

Ewe Leenien Kapwung a tongeni angei moon touren ekkoch taropwe seni ewe Chon Tingor. Moon touren ei epwe \$85.00 **chilon chok** lupwen ewe Emon mi kutta ewe allukun tumwun i ewe mi nom fan weiresin an emon tattapwei ren kapwang, kirikiringaw lon pekin luku ngeni are a fis ngeni Fofforun Lisowu ngeni emon ese fich ngeni. Ika ese

alluku ngeni ewe Emon mi kutta ewe allukun tumwun le moonaatiw moon touren ewe taropween alluk, ewe Leenien Kapwung a tongeni alluku ngeni ewe Chon Tipis le moonaatiw moon touren, moon angangen ewe chon leenein kapwung me moon ewe soualluk lupwen a fiffis ewe Rongorong fanniten Taropween Allukun Tumwun mi Fochofoch.

Pwal ekkoch eli kopwe mooni:

- |                          |   |                                      |
|--------------------------|---|--------------------------------------|
| <input type="checkbox"/> | Kapiin ekkoch Taropween pekin alluk       | \$.75 iteitan pekin taropwe          |
| <input type="checkbox"/> | Moon Minen Annet mi anneta ekkoch taropwe | \$20.00 iteitan document             |
| <input type="checkbox"/> | Moon angangen chon leenien kapwung        | Sokkopat (process server epwe angei) |

## TAROPWEEN PEKIN ALLUK

Le angei echo taropween pekin alluk woon ewe internet, tiki [www.courts.state.co.us/Forms](http://www.courts.state.co.us/Forms) fili “**Protection Orders**”

- |                          |         |   |
|--------------------------|---------|---|
| <input type="checkbox"/> | JDF 401 | Incident Checklist                                      |
| <input type="checkbox"/> | JDF 402 | Taropween Etipisi/Mwokut mi Let fanniten Allukun Tumwun |
| <input type="checkbox"/> | JDF 404 | Affidavit Regarding Children                            |
| <input type="checkbox"/> | JDF 442 | Information Sheet for Registering a Protection Order    |

## AALEN OM KOPWE ATOURA OM CASE

### Kinikin 1: Amasoua ekkewe taropwe.

Kose mochen kopwe ppii minne a makketiw asan le silei menni taropwe kopwe atoura. Epwe longolong woon pwisin nonnomum.

- Kori ewe Leenien Kapwung ia kopwe atoura om case ie le silei ika mi wor ekkoch ran are fansoun epwe fiffis ekkewe rongorong pwal le silei ikkeffa ekkoch mettoch mi lamot ngeni angangen atouren om case.
  
- Taropween Etipisi/Mwokut mi Let fanniten Allukun Tumwun (JDF 402).**
  - Amasoua meinisin woon ewe taropwe.
  - Kopwe tichik me awora unusen ewe pworous mi aiti pwata ka tingor echo taropween allukun tumwun.
  - Ika kopwe mochen pwe om adres me nampaan noum fon ese tolong lon ewe rongorong, fili pwoor #6 woon ewe Taropween Etipisi/Mwokut.
  - Mak pwal och adresin posto woon pekin taropwe 4 ika ka tufich. Awewe chok, P.O. Box, adresin emon chon om famili, are emon chienom ka luku.
  
- Incident Checklist (JDF 401).**
  - Kopwe tongeni amasou ei taropwe le alisuk le amolnata fanniten ewe rongorong.
  - Kopwe tongeni isoni are atoura ei taropwe ren om Taropween Etipisi/Mwokut mi Let.
  - Nengeni: Ika kopwe atoura ei taropwe, epwe tolong lon uruwoon rekord mi suuk ngeni aramas meinisin me epwe kawor ngeni ewe pwal emon lon om case ren ei Taropween Etipisi/Mwokut.**
  
- Affidavit Regarding Children (JDF 404).**
  - Ika kopwe tingor pwe epwe awisa ngonuk ewe wisen tumwun ttaman epwe much, wisen fori kefil ttaman ese ffat, fansounfengen me nau are echo taropween allukun tumwun fanniten emon nau, a lamot kopwe amasoua ei taropwe.
  - A lamot kopwe sain ei Taropween Pwon mwen mesen Emon Chon Angang lon ewe Leenien Kapwung (Court Clerk) are Emon Sousain (Notary Public).
  
- Information Sheet for Registering a Protection Order (JDF 442).**
  - Amasoua ei taropwe me apacha ngeni ewe Taropween Etipisi/Mwokut mi Let fanniten Allukun Tumwun (JDF 402).

- Pwe emon mi u ngeni ewe allukun tumwun epwe kuna chappen an foffor, a lamot pwe mettoch meinisin mi makketiw woon ei taropwe epwe unus me ffataffatoch.

## **Kinikin 2: Atoura ngeni ewe Leenien Kapwung om kewe Taropwe.**

- Awora ngeni ewe Leenien Kapwung ekkewe taropwe mi fen wes alon Kinikin 1 mi makketiw asan.

## **Kinikin 3: Rongorong fanniten Taropween Allukun Tumwun ttaman mi Mwoch**

- Amolnata pwe ka tongeni polueni ekkoch kapas eis usun om tingor le angei echo Taropween Allukun Tumwun ttaman epwe much pwal usun ekkewe mettoch mi weneiti ekkewe nau, ika a fich ngeni om case.
- Ika ewe Leenien Kapwung epwe awora echo Taropween Allukun Tumwun ttaman epwe much, epwe kawor ngonuk echo Taropween Alluk le esilei ngonuk pwe a fis.
- Lupwen ka angei ewe Taropween Allukun Tumwun ttaman epwe much, a lamot kopwe fori ekkei mettoch:**
  - Angei ekkoch Kapiin ewe Taropween Allukun Tumwun mi Let. Ifa ukukun ekkewe kapi ka need epwe longolong woon nonnomum.
  - Fori echo kapi fannitom pwal pwe ka tongeni awora echo kapi ngeni ewe Chon Pinepin.
  - Ika a kawor ngonuk wisen chon tumwun ttaman epwe much, fansounfengen me nau me/are wisen fori kefil ttaman ese ffat are echo taropween allukun tumwun fanniten emon nau, a lamot kopwe amasoua ei taropwe. Ika esap mumuuta ngeni ewe Chon Tipis le fos ngeni ekkewe nau mi kis seni 18 ierir (no contact), epwe lamot ngonuk ekkoch kapi fanniten om leenien angang, an noum sukul, leenien tumwun fanniten ekkewe kukkun (daycare provider), are pwal ekkoch leeni.
  - Chemeni mwo le uwei echo kapiin ewe Taropween Allukun Tumwun me Taropween Pwon/Enletin Kaworen Taropween pekin Alluk fansoun meinisin.**

## **Kinikin 4: Uweialo Ekkoch Taropween pekin Alluk ngeni ewe Chon Polueni.**

Kopwe awora echo kapiin ewe Taropween Etipisi/Mwokut, Taropween Allukun Tumwun ttaman epwe much ngeni ewe chon polueni me ewe Taropween Pwon/me Taropween Annet mi pwa pwe mi Kawor Taropween pekin Alluk alon allukun 4(e) seni Colorado Rules of Civil Procedure mwen ewe Rongorong fanniten Taropween Allukun Tumwun are atun ewe ranin rongorong ewe Leenien Kapwung epwe isetiw. Pwinin maramen ewe Rongorong fanniten Taropween Allukun Tumwun mi nomofoch a kan isetiw mwen 14 ran mwirin ewe Rongorong fanniten ewe Taropween Allukun Tumwun ttaman epwe much are ewe Leenien Kapwung epwe tongeni isetiw pwal eu ran le apwungupwung mettochun ewe fansounfengen me nau pwal wisen fori kefil fanniten ekkewe nau. **Minen Allilis le apwonueta wisom le awora ekkewe taropwe lon pekin luku:**

- Uwei echo kapiin ewe Taropween Etipisi, Taropween Allukun Tumwun mi nomofoch, me Taropween Pwon/Taropween Annet mi pwa pwe mi Kawor Taropween pekin Alluk ngeni ewe sheriff, emon chon allilis le awora taropween pekin alluk (process server), are pwal emon ka silei l mwaren 18 ieran, nge esap fiti ewe case, me a silei ekkewe allukun an emon awora taropween pekin alluk ngeni ewe Chon Polueni.
- Nochchei le achema ewe sheriff, chon allilis (private process server), are ewe emon ka awisa an epwe awora ekkewe taropween alluk le liwiniti ngonuk ewe akomw pwal echo kapiin ewe Taropween Pwon/Taropween Annet mi pwa pwe mi Kawor Taropween pekin Alluk. Chemeni mwo le uwei ewe akomw ngeni ewe Leenien Kapwung lon ranin Rongorong fanniten echo Taropween Alluk mi Nomofoch.
- A lamot pwe fansoun meinisin kopwe uwei minne a liwiniti ngonuk: ewe Taropween Pwon/Taropween Annet mi pwa pwe mi Kawor Taropween pekin Alluk pwal om Taropween Allukun Tumwun tammen epwe much. Neman ewe Polis repwe mochen kuna iir me ruu ekkewe taropwe.
- Ika esap tongeni fis om kopwe awora ekkoch taropween pekin alluk lon fougoun aramas, eisini chon ewe Leenien Kapwung pwe ka silei ika mi wor pwal ekkoch aalen kawor.

## **Kinikin 5: Rongorong fanniten Taropween Alluk mi Nomofoch.**

Eisini emon chon Leenien Kapwung fanniten pworous lon pekin allilis ngeni chon feiengaw. Kopwe tongeni etiwata chon pwaraata kewe me aiti minen annet ika ka mochen. Ewe Leenien Kapwung epwe tinaalo echo taropween mwokut (subpoena) ngeni chon pwaraata mi lamot ngeni om case.

- Ika ka angei echo Taropween Allukun Tumwun tammen epwe much, a lamot kopwe:**
  - Lo fiti ewe rongorong fanniten taropween allukun tumwun mi nomofoch are ewe ranin rongorong mi makketiw woon om Order (Taropween Alluk mi weneiti om case) **nge om kosap fiti ewe rongorong epwe mwittir amuchaalo om Taropween Allukun Tumwun tamman epwe Much.**
  - Uwei ewe akkomw Taropween Pwon/Annet mi pwa pwe mi Kawor Taropween pekin Alluk me awora ngeni ewe Leenien Kapwung.
  
- Ika ewe Leenien Kapwung epwe awora echo Taropween Allukun Tumwun mi nomofoch, epwe kawor ngonuk echo Taropween Alluk le esilei ngonuk pwe a fis. Lupwen ka angei echo Taropween Allukun Tumwun mi nomofoch, a lamot kopwe fori ekkeei mettoch:
  - Angei ekkoch Kapiin ewe Taropween Allukun mi Let. Ifa ukukun ekkewe kapi ka need epwe longolong woon nonnomum.
    - Fori echo kapi fannitom pwal pwe ka tongeni awora echo kapi ngeni ewe Chon Pinepin
    - Ika esap mumuuta ngeni ewe Chon Pinepin le fos ngeni ekkewe nau mi kis seni 18 ierir (no contact), epwe lamot ngonuk ekkoch kapi fanniten om leenien angang, an noum sukul, leenien tumwun fanniten ekkewe kukkun (daycare provider), are pwal ekkoch leeni.
  - Ewe Leenien Kapwung epwe awora ewe Taropween Allukun Tumwun ngeni ewe Chon Tipis ika ese pwalo lon ewe rongorong, me esap pwisin wisom le awora ngeni.
  - Ika ewe Chon Pinepin esap pwalo me ewe Taropween Allukun Tumwun mi nomofoch a sokko seni ewe Taropween Allukun Tumwun tamman epwe much, epwe wisom le awora ekkewe taropween pekin luku ngeni i. **Minen Allilis le apwonueta wisom le awora ekkewe taropween pekin luku:**
    - Uwei echo kapiin ewe Taropween Etipisi, Taropween Allukun Tumwun mi nomofoch, me Taropween Pwon/Taropween Annet mi pwa pwe mi Kawor Taropween pekin Alluk ngeni ewe sheriff, emon chon allilis le awora taropween pekin alluk (process server), are pwal emon ka silei l mwaraen 18 ieran, nge esap fiti ewe case, me a silei ekkewe allukun an emon awora taropween pekin alluk ngeni ewe Chon Polueni.
    - Nochchei le achema ewe sheriff, chon allilis (private process server), are ewe emon ka awisa an epwe awora ekkewe taropween alluk le liwiniti ngonuk ewe akomw pwal echo kapiin ewe Taropween Pwon/ Taropween Annet mi pwa pwe mi Kawor Taropween pekin Alluk. Chemeni mwo le uwei ewe akomw ngeni ewe Leenien Kapwung lon ranin Rongorong fanniten echo Taropween Alluk mi Nomofoch.
    - Ika esap tongeni fis om kopwe awora ekkoch taropween pekin alluk lon fougoun aramas, eisini chon ewe Leenien Kapwung pwe ka silei ika mi wor pwal ekkoch aalen kawor.

**Chemeni mwo mi lamot fansoun meinisin om kopwe uwei echo kapiin ewe Order  
(Taropween Alluk mi weneiti om Case)**